

子藏

淮南子卷

道家部

45

華東師範大學

「子藏」編纂中心編

總編纂 方勇

副總編纂 吳平

國家圖書館出版社

子藏

道家部

淮南子卷

45

華東師範大學

「子藏」編纂中心編

總編纂 方勇

副總編纂 吳平

國家圖書館出版社

(清)陳昌齊撰

淮南子正誤十二卷
(卷八至十二)

清刊《賜書堂全集》本

第四十五冊目錄

淮南子正誤十二卷(卷八至十二)

(清)陳昌齊撰

清刊《賜書堂全集》本

..... 一

淮南內篇雜志二十二卷補一卷(卷一至十二)

(清)王念孫撰

清同治九年(1870)南京金陵書局刊《讀書雜誌》本

..... 一五五

淮南子正誤十二卷

(卷八至十二)

淮南子正誤卷八

海康 陳昌齊 觀樓

道應訓

無始曰弗知之深而知之淺

按一本弗知下無之字

白公問於孔子曰人可以微言

按列子說符篇微言下有乎字

孔子曰何謂不可譙知言之謂者乎

按別本何謂作何爲誰作唯

爭魚者濡逐獸者趨非樂之者也

按一本樂之下無者字

白公不得也故死於浴室

按白公不得也列子作白公不得已

惠王甚說之以示翟煎曰善

按御覽翟煎作翟璜

然而不用者不若此其宜也

按不若此其宜也御覽作不若取是其宜也

雖無除其患害天地之間六合之內可陶冶而變化也

按御覽患下無害字道藏本同

夫國非其有也而欲有之可謂至貪也

按至貪也一本作至貪矣

譬白公之嗇也何以異於梟之愛其子也

按御覽作白公之嗇財若梟之愛其子也

董闕子曰無卹賤今以爲後何也

按子當作子

德將來附若美而道將爲女居

按莊子知北遊篇作德將爲女美道將爲女居

直實知不以故自持墨墨恢恢無心可與謀彼何人哉

按莊子直實知作真其實知無可與謀作無心而不

可與謀

趙襄子攻翟而勝之尤人終人使者來謁之襄子方將食而有憂色

按尤當作左列子說符篇左人上有取字又將食呂覽慎大篇作搏食

飄風暴雨日中不須臾

按列子說符篇暴雨下有不終朝三字

惠孟見宋康王蹠足聲欬疾言曰寡人所說者勇有功也

按列子黃帝篇疊康王二字勇有功据下文當作勇有力

惠孟對曰臣有道於此人雖勇刺之不入雖巧有力擊之不中

按人雖勇上据下文當有使字又列子黃帝篇及呂氏春秋順說篇有力上並無巧字

無地而爲君無官而爲長

按呂氏春秋順說篇爲君爲長上並無而字

其獨以亡何故也

按其別本作吳

身處江海之上心在魏闕之下

按莊子讓王篇釋文魏作魏許慎云魏闕天子兩觀

也

詹子曰不能自勝則從之從之神無怨乎

石臞云怨讀爲菀病也

楚王曰寡人得立宗廟社稷願學所以守之

按立疑當作主又類聚作奉宗廟

輪扁曰其人在焉

按在焉据注意當作焉在

言出於知者知者藏書於是王壽乃焚書而舞之

按藏上當有不字御覽不藏作不藉焚下有其字

令尹子佩請飲莊王莊王許諾子佩疏揖北面立於殿

下曰昔者君王許之今不果往意者臣有罪乎莊王曰
吾聞子具於強臺強臺者南望料山以臨方皇左江而
右淮其樂忘死若吾薄德之人不可以當此樂也恐留
而不能反故老子曰不見可欲使心不亂

按許諾下御覽有子佩具於強臺莊王不往明日十
二字疏御覽作跣又御覽強臺作京臺料山作獵山
忘死作忘歸留作流文選應璩與滿公琰書注引並
同惟子佩作子瑕又引高注云京臺高臺也
襄子起兵攻圍之未合而城自壞者十丈

按御覽圍字在之字下

使之治城城治而後攻之

按御覽城治作城成

相天下之馬者若滅若失若亡其一若此馬者絕塵弭轍

石臞云莊子徐無鬼篇天下馬有成材若卹若失若喪其一若是者超軼絕塵不知其所至此當以若亡其一爲句蓋一失轍爲韻又一本若此下無馬字

臣有所與供僇纏采薪者九方堙

按供當作共僇纏采薪說文繫傳作荷纏束薪九方堙莊子徐无鬼釋文云淮南作九方臯

得其精而忘其粗在內而忘其外

按列子說符篇在下有其字

若何其辱羣大夫曰先臣之時晉不伐楚今臣之身而
晉伐楚此臣之罪也請三擊之

按楚檣杙載此段羣大夫下有大夫二字請三擊之

三作王

君有君人之言三天必有三賞君今夕星必徙三舍

按必下一本無有字

舍行七里

按呂氏春秋制樂篇作舍行七星注云星宿也

臣請伏於陛下以伺之

按伺別本作司

使善呼之

按類聚作使善呼者呼之御覽作使客呼之

故美言可以市尊美行可以加人

按美言二句又見人間訓美言美行對市尊加人互足實非衍字疑今本老子行上脫美字也

是以免三怨可乎

按是以別本作以是

王曰其度安在

按安在御覽作安至

臣偷也願以伎齋一卒

按御覽臣下有楚市二字齋作資

偷則夜解齊將軍之幃帳而獻之

按御覽夜下有出字帳作帷

明又復往取其枕

按御覽又作夕

明日又復往取其簪子發又使歸之齊師聞之大駭將軍與軍吏謀曰今日不去楚君恐取吾頭乃還師而去故曰無細而能薄在人君用之耳

按御覽明日又作明夕齊師聞之作於是齊師今日
作今夕楚君作楚軍故曰無細而能薄作故伎無細
而能無薄

以人不過二十里

按二當作三

三師乃懼而謀曰

按師當作帥

深目而玄鬚淚注而鳶肩豐上而殺下軒軒然方迎風
而舞顧見盧敖慢然下其臂遯逃乎碑

按鬚當作鬢淚當作淚類聚淚注而鳶肩作渠頸而

鳶肩注云渠大也慢然作翻然逖逃乎碑作逖逃乎
嶧下論衡道虛篇亦作碑下石臞云詩下武箋下猶
後也故高注云碑陰

若士者齠然而笑曰嘻子中州之民寧肯而遠至此此
猶光乎日月而載列星

按類聚齠作囂寧肯作不宜猶光而載下並有乎字
御覽論衡無

其比夫不名之地猶寔奧也

按其上御覽有此字寔當作突

若我南游乎岡竄之野